



Broj: 10/E-11-6355/25  
Sarajevo, ~~29.12.2025~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Nabavka električne energije za potrebe Općine Centar Sarajevo (Zapisnik o pregledu i ocjeni ponuda broj: 10/E-11-6355/25 od 29.12.2025. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača JP Elektroprivreda BiH d.d. - Sarajevo, sa sjedištem u ulici Vilsonovo šetalište broj 15, 71000 Sarajevo, ponuda broj: 04-45599-1/25 od 23.12.2025. godine, za nabavku električne energije za potrebe Općine Centar Sarajevo, putem otvorenog postupka, u ukupnom iznosu od od **97.891,99 KM bez PDV-a**, odnosno **114.533,63 KM sa PDV-om**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke električne energije za potrebe Općine Centar Sarajevo, pokrenut je Odlukom Općinskog načelnika o pokretanju postupka broj: 10/E-11-6355/25 od 03.11.2024. godine, putem otvorenog postupka.

Predmetna nabavka nije podijeljena na lotove.

Procijenjena vrijednost nabavke bez uračunatog PDV-a ukupno iznosi 149.572,60 KM.

Obavještenje o nabavci 848-1-1-139-3-229/25 objavljeno je na Portal javnih nabavki dana 13.11.2025. godine na Portal javnih nabavki ([www.ejn.gov.ba](http://www.ejn.gov.ba)).

Na Portalu javnih nabavki objavljene su sljedeće ispravke:

- Ispravka za Obavještenje o nabavci 848-1-1-139-8-234/25 od 27.11.2025. godine,
- Ispravka za Obavještenje o nabavci 848-1-1-139-8-244/25 od 10.12.2025. godine,
- Ispravka za Obavještenje o nabavci 848-1-1-139-8-254/25 od 17.12.2025. godine.

U krajnjem roku za predaju ponuda koji određen tenderskom dokumentacijom (29.12.2025. godine do 11:00 sati), na adresu Ugovornog organa primljena je jedna ponuda ponuđača JP Elektroprivreda BiH d.d. - Sarajevo, što je evidentirano u Zapisniku o otvaranju ponuda, broj: 10/E-11-6355/25 od 29.12.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako slijedi:

| R/b | Ponuđač                                | Ukupna cijena bez PDV-a (KM) | Popust |
|-----|----------------------------------------|------------------------------|--------|
| 1.  | JP Elektroprivreda BiH d.d. - Sarajevo | 97.891,99                    | /      |

Nakon izvršenog javnog otvaranja ponude, na zatvorenom sastanku Komisija III je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je jednoglasno konstatovala da dostavljena ponuda ponuđača JP Elektroprivreda BiH d.d. – Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Računskom provjerom ispravnosti ponude ponuđača JP Elektroprivreda BiH d.d. - Sarajevo, Komisija III je konstatovala da je podnesena ponuda računski ispravna te da je ukupna cijena ponude sa PDV-om pravilno obračunata.

U daljem toku postupka Komisija III je izvršila analizu i ocjenu dostavljene prihvatljive ponude prema kriteriju za dodjelu ugovora.

Na temelju vrednovanja ponude, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama, Komisija III je utvrdila sljedeće:

| R/b | Ponuđač                                | Ukupna cijena bez PDV-a (KM) |
|-----|----------------------------------------|------------------------------|
| 1.  | JP Elektroprivreda BiH d.d. - Sarajevo | 97.891,99                    |

Rangiranje ponude, u skladu sa Zakonom o javnim nabavkama i kriterijem za dodjelu ugovora „najniža cijena“, izvršeno je od strane ovlaštene Komisije III, te slijedi:

| Rang | Ponuđač                                | Ukupna cijena bez PDV-a (KM) |
|------|----------------------------------------|------------------------------|
| 1.   | JP Elektroprivreda BiH d.d. - Sarajevo | 97.891,99                    |

Shodno svemu naprijed izloženom, Komisija III je putem javnog glasanja jednoglasno donijela odluku da se Opštinskom načelniku dostavi:

### PREPORUKA O PRIHVATANJU PONUDE

Ponuđača **JP Elektroprivreda BiH d.d. - Sarajevo**, sa sjedištem u ulici Vilsonovo šetalište broj 15, 71000 Sarajevo, ponuda broj: 04-45599-1/25 od 23.12.2025. godine, za nabavku električne energije za potrebe Općine Centar Sarajevo, putem otvorenog postupka, u ukupnom iznosu od od **97.891,99 KM bez PDV-a**, odnosno **114.533,63 KM sa PDV-om**, sa kojim će biti zaključen ugovor.

Opštinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Dokaz o plaćenju naknadi za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena (kopija bankovnog izvoda računa sa kojeg je izvršeno plaćanje), obavezno se dostavlja ugovornom organu u roku za izjavljivanje žalbe.

Prilog: Zapisnik o pregledu i ocjeni ponuda  
broj: 10/E-11-6355/25 od 29.12.2025. godine



**Dostaviti:**

1. Ponuđaču: JP Elektroprivreda BiH d.d. - Sarajevo  
ulica Vilsonovo šetalište broj 15, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis